

蠖堂遺稿


初集


二

和書門			
二	六	五	〇
七	〇	〇	〇
二	八	四	〇
冊	架	函	號
類			

內閣文庫			
二	〇	六	〇
二	〇	〇	〇
二	〇	〇	〇
八	一	〇	〇
架	冊	號	類
和書			

內閣文庫		
番號	和	26500
冊數	2	( 2 )
函號	206	425





太白詩水動荷花  
水殿香先生詩之  
園因數灌久留花  
是所謂換骨法也

枕曰平素交游非  
賈長江之輩則米  
山人之倚而已謝  
謬王戎門無雜賓

蠖堂初集卷之二

新刊納本

淺草文庫

山田政苗實成著

今井潛  
佐藤保  
全校

草堂小集

斷橋流水野人家。滿地漲痕劃白沙。門不受車常足  
草園因數灌久留花。年荒未釀三杯酒。客到纔供七  
椀茶。驟雨晴來清若洗。一峯斜照落窻紗。

中秋後一日作

強病自除書屋塵。蕭疎任岸老烏巾。敲門盡是能詩  
客。在坐無非愛酒人。澄水寫天明不夜。閑花照地艷

獲堂初集

卷二

水道官藏本

其斯之謂歟

辭流宕情多哀思  
明調之勝者

涉園雜興前後十  
餘首綺艷清新氣  
充情足

如春。勸君更立闌干見。月上東山影正新。

己亥除夜

任冉光陰如擲梭。自憐豪氣漸消磨。妻頻舉子貧何  
悔。人每經年感更多。滿腹圖書供著作。半世日月老  
吟哦。晚來誰踏柴門雪。猶有親朋載酒過。

涉園雜興

功名何解到重華。將悔青年讀五車。久謝交遊甘寂  
寞。多栽花卉鬪紛奢。十弓平圃參參徑。一派清溪淺  
淺沙。落月壓簾殘夢覺。滿園露氣放新葩。

全

萬木成陰綠四圍。苔痕蝕徑足音稀。已拋世事棲林  
屋。肯許俗人敲竹扉。古穴乳蛇雲氣悶。夜潭鬪鯉水  
聲飛。層梢月度中庭白。風露淒淒薜荔衣。

全

樂在優遊卒歲中。何須慷慨說窮通。幾年賣筆贖奇  
木。盡日敲刀誅賤蓬。花蔚山園晴有氣。水春溪屋夜  
如風。一雙猿鶴嚴扃鎖。不受人間十丈紅。

全

數畝園林寄此生。築成滿地小崢嶸。灌培猶足漏幽  
憤。辭賦何論留大名。酌竹三杯香麴孽。照魚一穗碧

枕曰幽憤大名古  
語妙用無痕

燈檠花魂磅礴能為變。水外珊珊環佩聲。

全

時奇却喜一身輕。日日涉園心自清。種樹急忙遺疾  
病。讀書閑廢殺名聲。殘冬打木花將死。快雨磨苔石  
似生。妻孥招吾餘德色。風爐茶熟灸黃精。

全

逍遙聊得半世寬。寧效靈均采蕙蘭。著作難期千古  
筆。坎軻猶笑衆人官。石上排苔寓名卉。水邊運土學  
青巒。書堂課足斜陽好。獨自評花倚竹欄。

全

衡門鎖鑰托崩榛。三徑恐容車馬塵。清世無官如處  
士。花時多暇是窮人。半庭嫩綠紅將褪。一塢嬌條白  
更新。獨在石頭為久坐。不振蟲蟻上烏巾。

全

楸枰一局足輸贏。豈悔素心終不成。在是明時徒費  
祿。猶蒙仕籍未除名。午窓舒簟作風臥。花圃運鋤為  
兩耕。日落雷聲山外起。掀頭牆角見雲橫。

續涉園雜興

數間老屋倚山村。時有故人来叩門。滿目荆榛官仕  
路。一闌錦繡道遙園。涓涓引水苔為畔。畝畝移花柳

雙堂刀集 卷三 三 道官歲林

枕曰快雨七字快甚

作樊。滋蔓嫌他賊。佳卉賤蓬惡竹不留根。

全

酣眠曉破桔槔聲。起涉園中覺病輕。映畝新芽飽風露。劃窓殘火暗燈檠。碁名傳世非初志。花政役心過半生。池畔石橫平似礪。擲筇箕踞曝春晴。

全

不才未獻一言奇。寧恨半生世見遺。人以灌園為課業。官猶賜俸育妻兒。春窓紅透花開夜。曉枕香飛夢斷時。池水嗽來凭竹榻。將沈月在海棠絲。

全

枕曰活計之窮雖類孟東野而春眠之覺異於孟浩然矣

燥時灌水濕時培。涉園千回至日頹。活計常窮非祿薄。春眠易覺為花開。吾生多病甘蕭寂。誰惜終天棄草萊。驟雨帶雷無一事。有人投隙乞詩來。

全

枕曰領聯鎖切處最見真趣味土二字前人未道破

卉木慣栽覺手輕。千株圍屋綠縱橫。園丁味土能知性。家累評花輒辨名。苔徑露平春圃色。石闌雨灌夜窓聲。四時華麗新吾目。不顧人間青紫榮。

全

陳陳東風春滿枝。可能染我一梳絲。身為什伍多經歲。口說詩書不補時。蕭條白屋栽名卉。寥落萬衣誕

枕曰不補時之句欲令余輩愧死矣

五兒恰似園中千畝翠。扶踈更比去年滋。

全

一世窮通任彼蒼。笑他踈齷熱中腸。優遊自有林園樂。憤悶羞為酒色荒。露染芭蕉半庭綠。風搖杜若滿洲芳。書堂倦草花新譜。水影如烟媚夕陽。

全

闢得芳園數十弓。紆餘徑遠水西東。厚苔引翠伸甘雨。百卉如油潤曉風。花被時憐猶俗種。士無人議是真窮。自知春色染衣帶。日涉淡紅濃綠中。

仲秋十六夜八海山雅集

枕曰為酒色荒可謂儒林中信陵君矣

清氣着衣如挾冰。題詩僧院最高層。山橫老木牛將蔽。水拍崩崖物或馮。滿渚名花足芳草。孤亭瘦石上幽燈。東天雲蹙魚鱗白。吹酒闌干觀月昇。

和窪田逢辰墨水春遊詩

渺渺層波綠接天。養花時節氣生烟。大堤爭上春遊客。長港齊收夜獵船。好事誰能述佳話。妙歌人盡識名川。渡頭立杖招舟子。梅作林邊幽磬傳。

全

堤上紆餘一路通。千年舊跡梵王宮。立橋人似行霓背。坐水舟如在鏡中。勝地探花詩思亂。春樓對酒旅

枕曰三四寫墨水春景語有仙氣凡畫所不能及

懷空歸來將借筇頭月。休說滿郊斜照紅。

全

晴嵐如海壓長堤。輕踏芒鞋折碧萸。古寺種梅名木  
母。層橋竟水是吾妻。柳邊濃靄藏鶯語。花外紅塵送  
馬蹄。茶店佳娘能慣客。夕陽已在嶽蓮西。

全

不復留舟問白鷗。滿懷情緒奈春愁。吾妻修路家千  
里。公子妖魂土一邱。細雨帶花籠遠寺。東風拋柳亂  
長流。遊人何管當年事。繫馬等閑登酒樓。

全

枕曰七八有湘娥  
傍暮霞之想

有無歌曲萬秋新。腸斷墨馱江上春。跋涉空經千里  
路。啼呼不起九原塵。多情吾又憐公子。薄命今猶哭  
鬼神。雙袖紛紛懷舊淚。隔花如見少年人。

讀隋煬艷史

枕曰頭頭送人馬  
得痛快自他二字  
照映亦緊似不讓  
甌北死後頭顱萬  
里行

簾外紛紛蘭燭新。廟堂不復理經綸。豈圖水利便千  
古。誰謂舟遊迎幾春。阿爺嬪妃充外府。自家頭頸送  
他人。十年採訪民間選。留住宮中慰反臣。

八月朔遊延德寺

筇頭更覺病骸輕。詩酒來尋舊社盟。樓勢吞山三面  
曠。地形開海八方平。田家秋樹雨餘景。野渡長流烟

外聲。晚日將沈天影淡。倚欄閑見岫雲橫。

和窪田逢辰韵却寄

晚日蕭蕭籠竹扉。五車撐腹不充饑。人才自古多閑廢。世事於今見是非。花圃露荒無客訪。書窓月白夢君歸。悵然獨倚闌干角。水漲秋池魚正肥。

征婦怨

寂莫多情惜別身。洞門鎖鑰暗崩榛。夜聞歸鴈空經歲。曉見飛花復送春。半壁燈檠枕邊淚。一床膏沐鏡中塵。嬌兒弄乳能言語。聲貌何肖長成人。

思浴五色温泉人

鳥道綿綿不易攀。羨君杖履叩幽關。將飛樓閣雲無地。未見畫圖天有山。靈液洗痾仙骨立。溪窻對酒世情閑。峽蛇長嶺斜陽徑。猶并分人寸馬還。

寄淺間子溫

三飯爭投蛤蜊聲。猶言畫錦在蓬瀛。權門納賂人難進。嚴隊救災馬善驚。我亦當年蒙此選。君方今日受其榮。可憐半世翻千紙。例上一場傀儡棚。

上巳後一日遊昌傳庵分韵

筇頭漠漠滿郊塵。更覺陽和日夜新。詩社幽盟會才子。僧樓盛宴繼佳辰。百川水合疑無地。千壑雲來欲

枕曰五六眼前光  
景得此脫既之句  
奇甚爽甚



雁人獨倚南窓逃酒政。糝糊斜照在烏巾。

三月廿日澹懷堂觀櫻花分韻

闌外橫塘綠一泓。滿園嘉卉媚春晴。皆言才子能憐色。誰保名花不動情。覺後殘粧林月白。夢中佳偶峽雲輕。夜深舉酒步幽砌。隔水如聞環佩聲。

午睡起

胡蝶魂迷千畝花。滿郊麗日霽生霞。古來服食皆為土。長保輕肥寧有家。壁上遊成惜年短。枕邊夢歇使人嗟。雨聲斷送三春色。寂莫山城啼暮鴉。

四月十五日極樂精舍席上分題得吊髑髏

水潰幽泥露髑髏。烏鷲啄老無人收。桑田碧海空長夜。慘雨淒風經幾秋。一死豈知南面樂。百年誰禁北邙遊。草間如聽啾啾哭。把酒酬君肯飲不。

酬相馬池田大夫見寄詩

美人為我贈新詩。掩卷長歎獨自悲。在野微臣甘草芥。傳家薄祿免寒飢。千秋著作胸中血。半世光陰鬢上絲。多病猶存三寸舌。馬頭應有向東時。

中秋昌傳菴集

纔入門來氣象分。樓頭何復受塵氛。中秋自古多無月。才子于今不獲君。映水踈燈見幽屋。橫林老石有

雄深雅健是亦先生得意作

枕日三四文人一生恨事

荒墳東窓倚柱暫逃酒。淒斷千山滿目雲。

摘卯餘韻節錄

山棚大宴六街驚。鼓笛喧闐祭事成。今日紛奢非善政。一時武備是虛聲。神輿劉玉塵埃黑。女隊貫魚羅綺輕。北市層樓貴人席。如花毳幕竹闌橫。

全

失聲吶喊摩人眉。鼎沸何曾減去年。不計孤村一星火。可憐六陌萬條烟。千家桂玉為烏有。焦土生靈奈倒懸。賜汝御厨三日粥。何關米價躍升天。

感懷

枕曰。領聯太平通樂。余所欲言。被他獲說。語勢流轉。真不可及也。

病卧纔餘傲骨高。光陰遺我水滔滔。百年宜曳泥中尾。滿世慣吹刀上毛。詩酒全天拋。寵辱。田園。涉日戮蓬蒿。柴門時有圍碁客。執燭終宵鬪虎韜。

歲晚偶作

滿樹冰華寒壓柯。破窓坐受月婆娑。光陰稍蹙看年盡。會計不當負債多。識字何能足錢穀。題詩將悔費吟哦。夜深一室群兒寂。細聽北隣忙擲梭。

浚井

滿地腥風蛙蚓鳴。鞠為茂草舊澄泓。鬪荒半壁青天落。揚滓三尋白水清。井本無情終且朽。人多幽恨豈

先生擅場之勝境。全在是等調。

長生。深深照影。攀脩綆。雙鬢如絲。寒碧明。

水後荒村觸目

良田萬畝變荒洲。青草寸根亦不留。破屋穿於沙漠底。大船懸在樹梢頭。半死餓人爭啄馬。猶聞溺鬼遽呼舟。悲我極目蕭條景。滿地腥風曝髑髏。

雲婆

雲婆泉湧澗之湄。端是三湯第一奇。數點人家如太古。將頹大柱不維持。瘴雲粘着雨常足。老樹森然日出遲。踏慣官途百千曲。嶮山惡水亦平夷。

藁建以降。書與羽大饑。二。曰寶曆乙亥。天明癸

枕曰蜀道之難。難於上青天。然較之官途亦平夷矣。作者蹟於仕進。故有此語。若余林下閒人。假此以為話頭耳。

卯是也。而如今年之甚。涉前所無云。山而椽粟。

澗而蘋蘩蒹藻之菜。可以充饑者殆乎盡。野無

青草。農工商特毒矣。雖屬仕籍者。流離困轉。餬

道途。屍郊野者。亦不尠矣。且如十月二十六日

之地震。拔屋蹶木。振古所稀。越之地殊甚。緣邊

數十里。桑田為海。人馬皆葬魚腹。加之以疾疫

大行。災害並臻焉。每聞使人神悸股栗。於是與

羽二十二侯之政績。仁暴悉判矣。如本藩賴

明君在上。賢者在下。并力同心。撫之振之。德之

至仁之盡。無有餘算。以余觀之。雖稷契皋陶復

詩紀云、寧律不諧、  
不使句弱、用事不  
工、不使語俗、此吾  
先生之所長也、

起不以可有加也。余竊有感于此。故取其間見  
什一。肆之韻語。有兩事合咏者。有一事三四詠  
者。而兼及越之事。雖各有所指。而不明其題者。  
蓋以不必無傳聞之訛爾。或疾聲大呼。或永歎  
長息。以洩感憤。格律之精粗。字句之工拙。豈遑  
擇之乎。

原二十四節十四首

極目魂消百尺樓。歔歔涕泣迸難收。四時節序陰陽  
死。萬國饑寒黎庶憂。雲擁盤雕荒郭外。風吹慘雨大  
江頭。疾聲欲仰蒼蒼訴。天下何人執此尤。

枕曰、起手攀無人  
知道外邊寒之句、

枕曰、三四能驅使  
孟子矣、

風雪蒼茫殆歷旬。凍饑漸與死為隣。病無用世未忘  
國。凶若斯年安贍民。荒村夜聞吃豺虎。大厦人空哭  
鬼神。感慨滿胸眠不穩。起攀闌角號蒼旻。  
六六深宮好婦人。玉闌干外雪中春。萬倉零落三年  
蓄。千戶流離累代臣。道路訴饑猶帶劍。祖宗廢祀不  
容身。虛堂夜夜來求食。盡是當時忠死神。  
鶉結潰邊雪噬膚。陸離却被鬼椰榆。凶年率獸食多  
士。肥馬如龍馱獨夫。覆掌糟糠玉無價。環城第宅烏  
相呼。秦吳何處埋之骨。地水火風一鉢盂。

規兔藟蕘亦已空。栖荒第宅獸蹤中。不多俸祿可能

奪等歎江湖安御窮。溝壑如斯埋老弱。國家敢自罪  
蒼穹。掛城慘月青無色。一陳腥氛沈夜風。  
暴風掠野雪如篩。犬吠鴉呼餓死尸。疾疫若斯原可  
足。饑荒安用至茲為。人人憂國眠頻覺。處處招魂哭  
太悲。非是皇天停毒手。生靈鑿殺竟無遺。  
悵然自覺老朱顏。弗吊昊天民盡瘼。過去簿書若教  
氏。現生踪跡首陽山。破屋狗穿人骨白。荒原梟啄鬼  
燐孱。村村到處炊煙少。蕭索淒風苦雨間。  
饑極時宜食肉糜。何須發粟瞻民為。歲末縣官促租  
稅。晝間村屋潰狐狸。窮陰短景日光黑。慘雨淒風野

哭悲。竟夜後宮人爛醉。柔荑獻技敲琴絲。

珍竒何解活蒼靈。流徃四方亦不聽。是土一杯宜覆  
肉。何邊三界欲長齡。餓口叫呼坤軸動。亂魚咀嚼夜  
潭腥。可憐風雨陰寒夕。窸窣聲中數覩扁。

臨去享之不薄情。誰圖一碗毒蒼生。橫屍築起萬人  
塚。吐血浸餘三板城。流離且道蓋仁政。殘忍何能掩  
臭聲。破屋煙消看夜半。寡孤握粟卜行程。

稻麥難何造物悭。蒼生掛在死生間。蜂目豺聲畫群  
巷。雞鳴狗盜夜窺闕。法嚴重辟皆遭磔。困太蠢愚未  
悔姦。無事抗顏評稷契。如今始信濟民艱。

枕曰智伯之圍晉  
陽。無此慘毒矣。

枕曰頃歲邦人漸  
化夷俗雖非凶歲  
而白日食生牛豈  
非人妖耶

枕曰江都乙卯大  
震親睹樓閣蹶顛  
今而憶之令人悽  
然

溪山一色雪中浮。將葛穿薇計又休。命逼親倉寧樂  
賊。夜深礪刃不酬讎。黃泉鬼怪泣爭米。白日人妖生  
食牛。安斂穰稔滔天稻。饑民百萬一時賙。

喫盡糟糠無有贏。斯民囚底得生生。舉言狗彘道途  
斃。未補餓莩郊野橫。鵬鴉窺人礪。鶻吻雪風掘。蕨度  
崢嶸。天為不吊稍應悔。每夜萬家幽咽聲。

鰲足無功震八埏。禍災何事集荒年。猛衝大嶽雷翻  
極。橫蓋百川濤蹴天。疊鐵岡陵坐來裂。摩雲樓閣蹶  
然顛。蒼靈皆吐數升血。命在颶風逃海船。

秋柳七月十日昌平學校課題

秋寒暮笛渡江聲。手弄長條無限情。每慢寧堪老鴉  
立。風流曾駐小鶯鳴。荒村雨過杖枝重。廢苑霜飛葉  
葉輕。莫悔芳姿零落盡。明年又有九春榮。

人日懷友課題同前

車馬喧闐巷陌塵。東奔西走慶佳辰。光陰瞬目稍投  
老。書劍飄零復值春。滿眼紛奢非我土。紫胸悽恨話  
誰人。晚來欲向酒家去。數挽懸鶉掩半身。

冬日雜咏節錄

四時代序水如流。凜冽寒威透弊裘。籬畔梅從霜後  
瘦。窓前竹在雪中脩。我土且猶嘆逝景。旅人爭得慰

枕曰秦皇之法亦  
有不可譏者然儒  
者之所難言此章  
歸罪於趙高良有  
故也

離憂。天涯千里雲遮目。第倚麻溪第幾樓。  
目暫閉。來手暫義。萬緣不到思無邪。六根清淨心田  
草。三昧修收覺路花。榮者必衰生者滅。貴人休向賤  
人誇。起揮塵尾推窓格。月在天涯影水涯。  
燕死韓降齊楚墟。咸陽宮闕壯皇居。唯坑仁義盜名  
士。未火聖賢經國書。法度峻嚴明賞罰。干戈銷鑠歇  
侵漁。可憐官者趙高輩。萬世霸圖使忽諸。  
昆吾鐵汁鍛心肝。二表忠誠老益堅。氣象并吞吳社  
稷。勢聲震動魏山川。賢如管樂非其比。德與周召宜  
並傳。讀到中營星落處。廢書拍案欲呼天。

道路焚香民戴盆。中原恢復在晨昏。金牌忽廢十年  
力。雪窖空消二帝魂。義士精忠懸日月。姦臣罪惡溢  
乾坤。西湖春水深千尺。百世不埋三字冤。

美人二十詠節錄

卧病

三春困病臥椒房。花落鳥啼俱斷腸。柳髮風翻雲亂  
枕。冰肌玉滴露凝床。捧心殆欲傾吳國。薄命怕教悔  
漢王。夢寐猶嫌顏色污。時搖柔舌喚蘭湯。

吹烟

晝夢新醒玉貌寬。輕輕敲火點纖檀。猩唇吐處仙雲

語盡而意有餘

裴。冰肌濕時靈液寒。袖裡小囊裁錦繡。手中細管斬  
琅玕。紅顏添得數分艷。髣髴深和碧霧看。

步月

手持紈扇出深閨。恍若梅花臨水清。拜月明眸波蓄  
縮。餐煙皎齒雪晶瑩。羽裳拂地塵無跡。羅襪踐橋霜  
有聲。風度桂林仙樂響。天香吹散廣寒城。

倚醉

誰掬金莖露幾觴。為君釀得染新粧。春潮漲臉花添  
艷。秋水溢眸珠授光。葳蕤斜鞞芙蓉蒂。滄浪慵挹雲  
錦裳。欲倚繡床貪暫睡。後庭鼓譟促迷藏。

登墻

黛色染眉朱抹唇。東家之子本超倫。空過河畔冰融  
日。既及庭中梅落辰。攀架薔薇無氣力。倚欄芍藥有  
精神。墻頭偷目窺來往。誰是高唐作賦人。

撲螢

燕舞蝶飛杜若汀。趙家姊妹讓娉婷。曾聞踏雨巫山  
夢。今見凌波湘水靈。露着紫裙羅綺重。風吹紅袖芷  
蘭馨。手中團扇輕輕撲。烏鵲橋頭萬點星。

出洛

浴罷纖柔欲步難。弓鞋輕踏倚雕欄。月涵嬖藕香如

枕曰此章七首中  
之翹楚



滴。兩拭嬌梨露未乾。鬢髮半梳雲影亂。膩脂一洗玉容寒。侍兒捧出菱花鏡。斜被羅衣帶笑看。

虫十二詠節錄

蚯蚓

宛轉形軀紫作膚。所求易足所居娛。堪聞吟月聲微妙。何問引泥足有無。拋去塵埃便得屋。到頭土壤不移厨。生涯自養清廉操。遮莫呼為子仲徒。

蝸牛

籬畔頽牆數仞山。弓腰盤礴杳難攀。癡形不在田螺下。文殼當容海蚌間。一生鎮靜耐爭戰。二角緣邊封

是等作五山詩佛  
輩好咏之。未足勞  
先生之巨筆。

蜀蠻。儘向貧人清士壁。巧粘小篆幾行還。

蟻

逢別集頭似問名。往來奕奕任縱橫。獵蟲貯得終年食。運芥築成幾疊城。老樹朽邊新闢郡。春波溢處暴移兵。驀然走保千夫長。丘垤風寒鶴叫聲。

蜻蛉

晨旭曝來露始晞。憐胡蝶重笑蜂肥。一團琥珀磨為項。四片瑠璃裂作衣。竿頭斜日輕輕立。水面微風款款飛。不分兒童承得去。歡然牢着小籠圍。

蜂

枕曰。蟲十二詠較  
之美人似輸一著。  
然若一團四片者。  
亦可謂名手矣。

滿天花暖不堪忙。雙翅擔黃口蓄香。萬戶倒懸梢上  
室。百層巧構地中房。繽紛飛去歛方物。次第歸來供  
大玉。法律森嚴朝拜日。兩衙相將肅成行。

胡蝶

金鬚粉翅太風流。訪紫尋紅不暫休。至死唯應與花  
伴。前生曾與竊香謀。翩翩吹散輕于葉。栩栩飛來定  
是周。一樣三千人如玉。未知今日上誰頭。

高唐雜興

纔有塵心不易攀。樓臺咫尺即天關。路迷殘雨斷烟  
外。地隔亂雲層雪間。一鳥無聲春闋寂。半床支擘晝

清閑。超然下覺與仙化。面面圍來箕穎山。

全

五丁擘出洞天奇。莫使世人容易知。無數溪山皆畫  
本。許多泉石足吟資。晦跡妻孥作長物。病間服食亦  
徒爲。風爐茶熟香盈室。恰是午眠新覺時。

全

瀑布終宵聞疾雷。蒼崖峭壁鬱將頽。山從秋後雪常  
足。時到夏初花未開。紫氣往來雲窟宅。寒光透徹月  
樓臺。一旬強半靈泉浴。離得滿身塵埃回。

春園對酌

枕曰領聯北地荒  
景以麗句寫之絕  
類北宋名家

霞失遠山煙失津。林園日暖鳥聲新。看來一色物皆  
醉。酌至三杯詩亦神。風拂梢時頭集雪。花吹香處袖  
留春。暮天澹月下生影。方有溪邊弄笛人。

春江晚歸

青笠黃蓑意自閑。漁舟任繫小蘆間。數椽晚屋沒花  
底。十里春江半柳灣。橋畔駐筇看鳥定。路傍坐榻送  
雲還。翠嵐吹合村村暗。一片斜陽在遠山。

校舍作

細管吹烟知幾回。北窓坐至夕陽頽。學人纔講詩書  
事。如我元非廊廟材。山色如斯奔未得。閑愁能與病

枕曰。安稱廊廟之  
器者。一箇志大不  
成用之士耳。作者  
做此謙辭。可以知

有具才

爲媒。仄聞漁伴張三氏。既網鴉川春水來。

早鶯

聽徹春聲次取圓。遙從喬木聳邊傳。誰知征婦添春  
困。刺爲詩人起懶眠。幾畝梅花半庭雪。數株楊柳一  
川煙。謝君例被東皇促。喚返紅魂綠魄天。

暮春夕佳樓招飲

小橋渡水到幽寰。梅掩疎籬柳擁關。樓勢并吞千里  
野。窓間輻輳八方山。一杯春酒肥吟骨。七椀新茶醒  
醉顏。畢竟夕佳奇絕景。倚欄間見暮雲還。

送溥了歸省

護堂

卷二

十八

道官藏木

同異何容物我情。人間齊是太平氓。四書講得先王  
道。六字呼醒佛祖名。意海萬層風浪惡。心潭一碧水  
天明。三乘滿至上乘處。彼亦應無臭與聲。

寄呈小國尹藤公伯修

亂山周匝鬱如屏。裂石斷崖置小廳。巢穴幾家為聚  
落。谿谷滿地有畦町。夜獵圍林風雪迸。曉漁橫壑水  
雲腥。南州冠冕無因拜。安得咄嗟驅五丁。

寄呈相馬大夫池田氏

古稱至德動蒼穹。勿論聲望日益隆。理賦有方衣服  
足。舉賢不擇草萊空。雍熙將見先王治。經緯多由仲

枕曰相馬善政亞  
於米澤亦魯衛之  
國乎

父功。欲拜佳人無所處。遠山遙水數程東。

春寒連日不出

輕暖可人知底時。春風且帶老寒吹。軟塵一寸重幽  
屐。紅日三竿深蔽衣。候鴈橫天帛書斷。客衣掩脛鬼  
魘欺。梅花不似書生懶。聞道清香白數枝。

富士山應命

廣寒宮聳月娑婆。不怪當年謫素娥。高厚獨排空屹  
豎。脊腰常與日誰何。天台四萬八千丈。未似芙蓉卷  
石多。鬼物叫雲看夜半。紅曦早已在嵯峨。

書感

雙  
堂  
切  
集

卷二

十九

林道官藏本

枕曰三四杜預之  
學業陶潛之心事

三間老屋竹相隣。雪月有時來作賓。紙上功名期萬  
古。眼前富貴讓他人。短檠照字動忘曉。薄帳縈身常  
住春。幾歲塞門甘寂寞。輪蹄懶復向風塵。

和桂陵老人冬日書事今茲不登禁酒

眼昏慵寫換鶯經。病骨衰於野鶴形。漫閱圖書送間  
日。難何寒暑蝕餘齡。水蝗為崇民艱食。麩藥被禁我  
亦醒。月透重衾冷如鐵。冰花乘夜上柴扃。  
兩鬢枯來霜滿梳。愁陰短景不堪欹。劉伶難弁祝天  
酒。李白始求通道書。夜夜杯乾百憂固。家家累恥社  
盟踈。凍雲吹雪夕陽黑。橫臂恍然臥小廬。

春日雜興

晝夢醒來落日遲。枕邊臥讀杜陵詩。病身比走寒先  
盡。家釀欲須花發釀。半塢濕烟籠柳色。數竿春水漲  
川湄。書窓點滴黃昏雨。敲雪稍稍起竹籬。

采薪雜唱節錄

南山醉臥北山吟。無復塵埃寸到心。志士求知于晉  
楚。昔人失意只山林。從前經濟渾閑事。老死漁樵在  
所任。風拂松梢殘夢覺。滿溪春草雨中深。

全

書亦不耕田不耕。山中伐木了生生。朝南暮北無常

住。巖穴洞房便作營。幽谷草僵餘獸跡。茂林徑盡斷  
人行。腥風吹酒深深夜。聽徹水靈泣月聲。

全

日伴孤雲過野橋。烟簑掩背鎌橫腰。如非正笏立其  
位。祇合在山終採樵。萬卷圖書徒讀記。百年身世任  
蕭條。笑他澤畔吟行者。空使騷人賦大招。

全

至死雖窮固所甘。省身無疚有何慙。五旬唯作風流  
業。一度未聞名利談。花帶炊烟圍晚屋。水添急雨漲  
春潭。節頭十里溪邊徑。背帶斜陽向草庵。

枕曰南內少陵海  
崇的對古人未說  
及者何耶

含弘亭觀海棠

水邊乘酒立多時。情自中來不自持。佳卉曾專南內  
賞。名花何恨少陵遺。夜欄橫月春陰重。曉苑籠烟日  
影遲。一朵小紅如可折。與君細話滿懷系。

蠖堂初集卷之二終

蠖堂初集卷之三  
惜春  
欄外逝川有走紅。三春暫夢別東風。鷓鴣啼破黃陵曉。古廟蕭蕭新綠中。  
戲和平逢辰中秋長堤  
別淚紛紛紅未乾。思君惆悵倚欄干。歸舟應上三叉水。月鎖西廂墜露寒。  
胸中千緒亂如絲。手卸金釵擘一枝。彤管入詩非所望。見之猶有思人時。

蠖堂初集卷之三

惜春

欄外逝川有走紅。三春暫夢別東風。鷓鴣啼破黃陵曉。古廟蕭蕭新綠中。

戲和平逢辰中秋長堤

別淚紛紛紅未乾。思君惆悵倚欄干。歸舟應上三叉水。月鎖西廂墜露寒。

胸中千緒亂如絲。手卸金釵擘一枝。彤管入詩非所望。見之猶有思人時。

野田笛浦以此詩為唐人之作頭底加批點

枕曰結句文語而押韻者

翻古人之案足以見其有力

樓欄携手倚多時。悲自中來不自持。可信秦淮今夜月。無人默坐數歸期。

謁神女廟

千山暮色水蒼蒼。雲鎖秋林古廟香。長跪拜神思往事。如聞環佩下修廊。

早起

秋色蕭蕭曉月殘。碧梧如濯露珠團。家僮不引轆轤索。猶有虫聲盈井欄。

夏日驟雨

午枕受涼眠始驚。爽然已覺暑衣輕。雲間未歇雷公

鼓。驅熱千山急雨聲。

六月十九日遊才光寺途中

松光東向是花溪。竟水大橋如受霓。一字長街喬木足。重陰籠日亂蟬啼。

九月念四澹懷堂集鶴城秋晴

山色蕭蕭殘日紅。揭簾獨自送歸鴻。層嵐掃樹平如海。姑射城樓杳靄中。

題冬蛙亭

數間亭子倚崢嶸。湯氣如烟劃地平。誰信山村今夜雪。有人把酒聽蛙聲。

宛然米澤東鄰之光景

枕曰秦淮海冬蚊絕句與此一副奇詠先生數為人書此



詩蓋得意之作

枕曰笑聲涼勝淮海語香

六月十四日鶴鳴舍集水軒憂日  
江風吹動竹簾長。起倚欄干又一觴。腸斷花間千疊水。佳人柔櫓笑聲涼。

白龍湖舟中

載吾舟子是佳人。彤管送烟談笑親。一碧齋淪金潭水。輕輕卸棹折秋蓴。

湯生寺即目

十里青山送暮鴉。湖光滄蕩欲無涯。千秋不斲漁田利。各處炊烟傍水家。

秋抄望山樓飲寄篠小竹

木葉帶霜紅未乾。風聲如雨入樓寒。殷勤拜送西天月。應照美人醉倚欄。

東都櫻邸客舍舊書檠

客舍思家無限情。如麻夜雨鎖春城。年年經照幾人恨。火青一穗舊燈檠。

松風園

驟雨何論駐祖龍。宛看層翠萬重濃。天蒼蒼者非其色。因是園中有此松。

彈劍

休論壯士入強秦。慷慨酬仇豈愛身。雷雨吹來夜如

枕曰。卷著莊子恰妙

墨。世間誰是不平人。

書感

竟世未磨王室心。江山總入不平吟。墓間一骨化為土。寧識榮名存在今。

廢井

崩甃草深徑不通。碧梧梢上月如弓。佳人遺恨為千古。猶有啼聲動水中。

早起步園

露華濯濯一闌濃。晨爽吹眠見水春。昨夜風聲送秋信。淺紅已上木芙蓉。

枕曰三四番街四屋數

惘庵先生曰雅韵悠然

間居雜詩

杜宇啼破春曉冥。馬頭又向短長亭。征途風雨無多日。回首亂山千疊青。淒風肅肅動幽蘭。橋板月殘斜影寒。誰信深窓五更夜。有人復起倚闌干。一碧齋淪可填身。故山滿目鎖荆榛。粲然珠玉楚騷字。何限千秋慟哭人。

遊宮內途中

山麓人家是淺川。春光如海畫中全。東風一樣為金色。澹蕩菜花千頃田。

月照軍營夜肅然。城州膽略欲吞天。中山北拆青如髮。猶作當年野宿烟。  
山種桑麻綠自滋。晴風朗日足春時。滿村兒女齊推棹。湖上嵐霏拆水葵。

竹大夫小祥

招魂詩就夜深更。燭影將消又乍明。種種傷心人不定。如糸老竹觸窓聲。

七月二十九日山行

穉種風動稻田黃。幽徑紆餘傍水長。半世未休山事癖。如焚秋暑上芝倉。

秋江釣月

大月如車掛遠洲。江湖滿地放漁舟。夜深蘆荻風將白。秋入烟波天亦流。

松江竹枝

觀音堂前月映艫。花溪橋上霓橫江。滿天齊放金蓮燭。臨水千家不夜窓。

月夜釣磯弄笛圖

幽興紛紛不自持。水天上下月來時。一枝拔起腰間笛。何問魚蝦受釣糸。

涉園雜興

枕曰不貴而金蓮  
燭焉非仙而不夜  
城焉是松江之所  
以為佳境也

蛟堂詩集

卷三

卅三

一株纔老一株新。環屋千株常駐春。倦腕抄書清晝永。柴門恰有觀花人。

綠苔白石整紅新。獨後群芳挽老春。何似蓮花能動色。一池細雨媚遊人。

僻性幾年與世違。蕭蕭深鎖讀書幃。斜風細雨花開日。猶有人來敲竹扉。

馬嵬驛

旅窓風觸夢方驚。聽作亂軍呼譟聲。花散珠摧可無悔。翠華無恙幸金城。

山中夏日

侗庵先生曰有遠神。  
枕曰貴妃一死明皇免難他是女中紀信。

午夢醒來興奈何。溪窓倚竹送樵歌。漲聲拍岸高盈尺。知是深山驟雨過。

佐佐野竹枝

把酒二王祠畔臺。滿天不夜玉為堆。回頭磴道直於矢。佳少如魚隊隊來。

對鏡有感

歲月堂堂車轉輪。鏡中不怪鬢絲新。才微文未成千古。命蹇官難為眾人。

夜雨

竟日迢迢無所成。天涯冷落老書生。短檠不照巴山

蛟堂詩集

卷三

六

卅三

句。腸斷深秋夜雨聲。

讀家信

燕子歸時人亦歸。一泓春水綠平池。柝聲警夜家方  
寂。輕剪殘燈理釣絲。

佐佐木野

傍山隔水有人家。幾處茂林新綠加。旅况觸來啼欲  
咽。滿郊染血杜鵑花。

白川

壯士腰間長大阿。滿懷慷慨欲悲歌。中原無事雄圖  
歇。跨馬等閑渡白河。

枕以漁字疊用有  
力

越堀

晚日春山烏擇棲。天涯羈旅奈愁悽。滿川水落立層  
石。漁伴今漁何處溪。

和青岡翁淺間祭日觀歌舞妓作

千里離家戍駿城。羈魂飄蕩片雲輕。美人唱起尋常  
曲。聞作陽關送別聲。

越渡

跼踏翠微千尺巔。到頭舉手可捫天。連峯重疊多於  
浪。愛岩葉山一掬拳。

柳泉

潺湲穿蘚暗泉通。十畝方塘鏡面中。應是行人清到骨。柳陰避暑對蘋風。

一杯泉

獨樹遮天自作林。草苔滿地綠陰深。石杯一滴銀河水。許與行人恣意斟。

夏日雜興

梧桐洗却薔薇顏。日被晚炎赫綠苔。西園掘起數竿竹。移向北窓窓下栽。  
樹色森森草色青。柴門深鎖子雲亭。寂寥終日無啼鳥。雨叩桐花落半庭。

春晝

梨花帶雨洞房陰。燕語呢喃弄好音。一枕夢醒情緒惡。惱人胡蝶上華簪。

春昏

半天斜照落遙巒。水面風來生薄寒。影澹海棠梢上月。有人困倚木闌干。

春夜

一痕淡月拂輕紗。偃蹇數枝臨水斜。枕上難留惜春淚。誰家竹調落梅花。

春曉

枕曰流麗當家慣手

詩思難治滿懷系。俄是遊仙夢覺時。書屋稍從花庭  
白。鶯聲調在綠楊枝。

春晴

雨餘新草軟于茵。輕踏濃烟淡靄春。羅綺風翻香如  
雪。若耶溪上折花人。

春月

五雲中斷一輪開。下上未央前殿來。誰倒畫圖涵水  
底。桃花影裏寶樓臺。

春鶯

竹織柳拋來往頻。一聲更覺一聲新。東皇例雇嬌柔

枕曰水底樓臺為  
仙館耶將龍宮耶

舌。呼返紅魂綠魄春。

春竹

軟枝嫩葉媚青春。疎密聲聲風處新。莫向書窓容易  
觸。恐有多情未睡人。

前橋雪景

半橋暮雪送歸樵。不道征人魂更消。下壑水聲幽若  
咽。寒雲又入幾岩堯。

送門間色經歸鄉

風梳雨沐幾脩途。王事芻芻馬亦瘠。不是當年花石  
使。到頭留杖問蒲蘆。

枕曰以問國政為  
問蒲蘆豈非詩貴  
婉曲之義耶

虫堂不集

賀田村侯夫人七十佳辰

金殿開筵燭散霞。清香吹落碧窓紗。滿園春色圓於月。移種姮娥宮裏花。

哭中村明鄉

風自蕭蕭煙自昏。孤墳何日奠香魂。萬呼不起九原土。馬鬣封頭滋淚痕。

和八木潔齋別內詩

蘆花老處笛聲哀。暮雨輕從巫峽來。山走山奔舟若箭。回頭已失望夫臺。

送江東柯亭歸鄉

枕曰古調似讀竹枝詞

橋頭攀柳立層闌。風露淒淒曉月殘。短亭長亭春樹暗。故人不見笛聲寒。

送池田需一

君西向去我歸東。殘雨渡江昏曙暉。欲別凄然無一語。啼痕深染故衣。

留別滿岡氏

春川渺渺水平堤。斷雨殘烟望欲迷。我亦人間一男子。別時不敢向君啼。

留別巖崎氏

心緒紛紛亂若絲。滿郊春草馬行遲。料知他日相思

護堂初集

卷三

十

水道館藏本



夢多在章臺折柳時。

秋夜憶家

井闌風觸碧梧飛。書劍滯人不放歸。料識空房幽獨夜。孤燈應補舊寒衣。

九月十三夜雨集

亂雲墨殺廣寒宮。海氣蒸人腥夜風。明月不來燈影白。菊花狼籍雨聲中。

過酒家

把酒二州橋畔樓。風吹高浪蹴天流。玉山拔地五千尺。不是頽來未肯休。

枕曰玉山五千仞  
奇於白髮三千丈  
雖太白公必為低  
首

晚渡

數行鴈影半空連。斜月沈沈水浸天。蘆荻枯邊霜若雪。刺舟古渡一川烟。

海棠盛開

一朶幽紅艷媚春。書窓風觸月方新。夜深細倚闌干見。不是巫山行雨神。

八月六日聞千坂公淵訃

數行未拭淚痕腥。寶鴨添香一篆馨。魂魄不來過半夜。楓林月濕屋梁青。

六月九日櫻邸僑居作

暑氣燒天欲滅遲。植竿苦卜日光移。古人曾有白駒  
歎。不是僑居夏日時。

七月四日

日為蔭處桐皆萎。風送熱來竹不涼。書窓再覺黃梁  
夢。滿耳蟬聲未夕陽。

星夕

烏鵲橋崩曉漢寒。暫時逢別足悲歡。鍾情一掬雙星  
淚。吹作雨聲灌竹闌。

中秋

感時倍覺客思加。團扇揚爐間煮茶。夜半雲來天失

月。雨聲敲落木犀花。

赤羽竹枝

鬢髮斜橫照夜璣。媚人秀色可療饑。龍團本為阿郎  
煮。抱樓羅衣不成歸。

王孫幾度駐華鑣。團扇輕輕巧見招。赤羽橋頭明月  
夜。牡丹滿地小嬌嬈。

失題

目送秋波不耐情。三絃一曲媚人聲。三年再結揚州  
夢。不怪人呼小杜名。

夜色沈沈月影殘。層樓吹夢靠闌干。滌珠一滴金莖

枕曰南郭翁有此  
絕妙好辭乎否

露輕折羅裳。觀牡丹。  
春老繁陰幾尺枝。園林却倍好風姿。千秋遺恨天應  
泣。不遇他人未贖時。  
酒氣困人夜色闌。樓頭拜月玉欄干。儂家不管火曹  
笑。雙袖抱郎護峭寒。  
仙梯懶復折湘裙。深恨泓泓陰綠筋。臨別倉皇無所  
贈。偷人剪落一梳雲。

續長堤竹枝節錄  
君家燈火裁牡丹。儂家燈火貼金蓮。美人把酒樓樓  
白。香壓龍宮不夜天。

全  
玉腕刺來妖血腥。炷香相與拜雙星。妾心可比山頭  
石。郎心不如水上萍。

全  
錦帳烟深蘭麝薰。滿顏桃花酒微醺。巫山俄被春風  
觸。亂落珊瑚一枕雲。

全  
滿天月露一簾秋。閑取棋枰坐小樓。郎手比儂高數  
等。儂家不肯賭搔頭。

夏晚早起

枕曰。坡已慧心女  
子。即應慧業才人。  
此章竹枝中甲科。

池塘嗽水水生紋。晨爽吹醒昨夜醺。日色稍稍映高  
樹。蟬聲掃破滿天雲。

病中雜咏蚊

莫使翠紗容易開。殿堂攘攘聚成雷。一團羽扇疲奔  
命。飛自四方八面來。

高湯途中

一束松明照路明。身臨百丈碧潭行。陰雲捲月風如  
墨。吹送深林木魅聲。

采薪節錄

夜雨如於睡裏聞。半天曙色入窓分。幾回欹枕問妻

拏。四面山容雲不雲。

無日山中不適然。何曾世網暫時纏。欲煎茗芳醒昏  
醉。分付仙人酌澗泉。

詠牡丹

醉粧扶起木闌干。滿面嬌紅秀可餐。南國美人顏若  
玉。掩衣不肯近花看。

江上送人

鐵笛聲寒何處所。半江斜月水連空。孤帆飛去浪無  
跡。若雪楊花亂曉風。

早春節二

枕曰清風先生亦  
有疲於奔命以死  
乎

枕邊點滴又多情。一種詩思夢忽驚。輕暖輕寒吹不定。釀春深。巷五更聲。  
四簷點滴夜來聲。春自柳邊漸漸生。野渡新流添幾尺。澹烟橫。處一舟輕。

咏瓶梅

花前酌酒夢方長。不知斜月上西廂。昨夜分明與仙接。衣裳留得。有餘香。

野渡春雨

滿望蒼然草漲天。渡頭捲起柳梢烟。舟子欺人呼不答。一簑小雨下春川。

枕曰一簑七字京樣句子

春晴馬上

嬌桃為曲柳為灣。春在紅雲綠雨間。蜂蝶追人撲不去。馬蹄踏自若耶還。

雲曉早歸

人人踏玉不知惜。戶戶集花無賴除。滿簑未拂鮫人淚。橫截銀波歸我廬。

雙堂初集卷之三終

虫  
学  
初  
集

州  
立  
公  
文  
書  
館

--	--	--	--	--	--	--	--	--	--	--	--	--	--	--	--	--	--	--

木  
邨  
嘉  
平  
刻

